

薛文清公全集

文集

一

薛文清公像



文集二十四卷

萬曆甲寅之春八代孫薛士弘重刊于真寧署中
雍正甲寅之秋合族重刊

首事人

薛敦儉薛長發薛必仕薛劬

薛乃實薛敦貴薛乃遜

薛秉易薛永遂薛曉薛天章

薛珪薛弼薛矢力薛天玉薛帝丞

稷山縣刊字匠葛振基葛振斌

文清薛先生文集序

布帛之文菽粟之味朱子
嘗以是而贊程子矣布帛
可以常衣菽粟可以常食
聖賢著述立言亦猶是也
舍此則奇怪隱僻不經於

世若左氏浮誇莊周荒唐
是已君子所不與焉先師
敬軒薛先生有見於此故
其著述立言淺近平易使
人易知豈奇怪隱僻不經
於世者所可擬哉先生名

瑄字德溫別號敬軒世為
山西河津人自幼篤信好
古博學善記所著有讀書
錄續讀書錄河汾詩集行
於世惟文集則先生孫前
刑部員外郎禔曾托前常

州同知謝庭桂板刊未就
今年夏四月前監察御史
暢亨先生同鄉謫官陝右
道過鎮陽予因訪前集暢
曰某於毘陵朱氏得之矣
予喜而閱之但舛訛非原

本矣因訪唐昌黎集校正
編輯總千七百篇分為二
十四卷凡三易藁始克成
編於戡先生文集流落江
南二十餘年今傳于世豈
非其數有所待與先生永

樂庚子河南鄉試第一登
辛丑進士宣德丁未初授
廣東道監察御史正統丙
辰擢山東按察司提學僉
事陞大理寺左右少卿以
獄事註誤間居七年正統

己巳用言官薦左遷大理
寺丞景泰庚午奉

勅總督松潘糧餉事竣陞南京
大理寺卿未幾改北京大
理寺天順丁丑陞禮部右
侍郎兼翰林院學士入

內閣轉左侍郎越五月以疾
在告懇乞休致通前章三
上方得

俞允時年六十九矣天順甲申
夏六月終于家

朝廷遣官諭祭為營葬事贈

禮部尚書謚文清予嘗記
先生設教河汾一時及門
之士雲集川匯鼎方十五
六先生格言至論耳濡目
染猶能憶其一二惜乎少
年不及向學大抵先生剛

方正大以聖賢為師處已
接物不詭隨不屈撓講論
經書窮究義理自一身一
心推之至于萬事萬物然
後約之以歸于一其餘子
史百家靡不淹貫究竟至

極尤邃於性理之學周易
太極圖西銘近思錄未嘗
釋手常瞑目端坐思索有
得欣然見于顏面其學蓋
已至于樂之之地矣言動
舉止悉合規度可爲人法

辭受取予一決于義終日
衣冠危坐望之儼然可畏
雖燕閒亦然居家孝弟忠
信對妻子如嚴賓及至接
人和氣可掬不語人以其
所未至嘗以程門教人居

敬窮理接引後學晚年造詣高明踐履篤實益至純熟其詩文平易冲澹渾成不假雕刻誠所謂布帛菽粟切于民生日用而不可缺者也讀者自當得之于

早侍几席壯歷宦途老無
所得追思誨諭不可及也
先生歷官政蹟載在

國史其風節道德自有天下
後世公論在不敢私

弘治己酉夏五月端陽門